

НАРЦИСИ

Чачес ли си алибиеске о дехибе
кариг о Дел тай и о апакиябе?!
Верся прахосарни
духоске жунгало, биапакияло...
Би манушикано морали
мразимнаса, кай нанай соске...

Жено, саво коркоро хохавел пес -
мануш, саво фалинел-фалибе,
мелале чибаса, поро апакиямати,
еши, ччиб, раса хахавел...

Ччорярел арман, анатема дел кариг састе
авер раса, е живагиескоро рат хахавел...
Ан о гъндес безехалипе, кушыя ягасар.
Нанай сикло те жанел варесави авер верся
би шунди канестар, бидиккли яккатар.
Слухос бенгикане аципнаске, те живинел пес
Животос борчиеса.

Катар и орися сулухи бибахтало
лиляс песке бичачуни верся.
Орисничес по-бут катар о трин
орисинен и бибахтали парамиси-драма.

О трайбе е Саангалакоро анди юма -
сар криси, церос градос
храоматйеске, ккосло катар о чекат
шелбрешутни гаравдин, песхохавятин...
Ама ма ашал девлане дехимнаске дадано!
Саюрно! Ек!

Ппанло изпучлимностар, варенже е шуке сулухиеске,
саво дехелпес коркороро сар Дел жи агоресте асамнаске!
Сави гебердани версия, пили хъзиестар.

И Юма, ингалел, търпинел са... Ама, сар
доживинес ту Нарцисина? Кай нанай тут
девликани апак кариг о мануш-ендано?
Ка овес пишмани - чачес, нанай сар! Апакияв!
Ама дано те овел тут ко чачуно срас, вряма, воля! .
Та те откосес и лач катар и манушикани роля!

